

COMPOSICIÓN HISTÓRICA. TEMA 11. A CRISE DA MONARQUÍA ABSOLUTA

PREGUNTA 2. ELABORE UNHA COMPOSICIÓN HISTÓRICA A PARTIR DOS TEXTOS PROPOSTOS.

Os seguintes textos deben permitirlle facer unha redacción sobre a crise da monarquía absoluta. Tendo en conta os documentos e o seu contexto, debe atender cando menos ás **causas do motín de Aranjuez** e ás **abdicacións de Baiona**, así como ás **repercusións da ocupación napoleónica**. (5 puntos)

Doc. 1. Carta na que Carlos IV solicita a axuda de Napoleón, 23 de marzo de 1808: “Señor meu irmán: V. M. saberá sen dúbida con pena os sucesos de Aranjuez e as súas resultas; e non verá con indiferenza a un rei, que forzado a renunciar a coroa, acode a poñerse nos brazos dun gran monarca aliado seu, subordinándose totalmente á disposición do único que pode darlle a súa felicidade, a de toda a súa familia e a dos seus fieis vasalos. Eu non renunciei en favor do meu fillo senón pola forza das circunstancias [...]; pero asegurado agora con plena confianza na magnanimidade e o xenio do gran home que sempre mostrou ser amigo meu, eu tomei a resolución de conformarme con todo o que este mesmo grande home queira dispoñer de nós e da miña sorte, a da raíña e a do Príncipe da Paz”.

Doc. 2. Proclama da Xunta Xeral do Principado de Asturias, maio de 1808: “Asturianos leais e amados compatriotas: os vosos primeiros votos xa están cumpridos. O Principado, en desempeño daqueles deberes que máis interesan ao home, xa declarou formalmente a guerra a Francia [...]. A súa perfidia co noso rei e toda a súa familia, enganándoos para facelos pasar a Francia baixo palabra dun eterno armisticio para encadealos a todos, non ten igual na historia [...]. Poñamos por intercesora á nosa Señora das Batallas, cuxa imaxe se venera no antiquísimo templo de Covadonga, e seguro de que non pode abandonarnos en causa tan xusta, corramos a aniquilar e botar da nosa Península nación tan pérfida e tan execrable”.

Doc. 3. Napoleón cede a coroa española ao seu irmán, 6 de xuño de 1808: “Napoleón pola graza de Deus Emperador dos franceses [...] a todos os que o presente viren, saúde. Facéndonos saber a Xunta de Estado, o Consello de Castela, a Vila de Madrid etc., por representacións, que o ben de España esixía que se puxese un pronto termo ao interregno, resolvemos proclamar rei das Españas e das Indias ao noso moi amado irmán José Napoleón, actual rei de Nápoles e Sicilia”.

Aprobado	Contidos: a resposta inclúe unha contextualización e explicación básica do tema proposto: -Sinalar de forma xenérica as causas da crise da monarquía absoluta no reinado de Carlos IV. -Indicar o impacto que tivo a Revolución Francesa en España. -Facer referencia á entrada das tropas francesas na Península e ó estalido do motín de Aranjuez. -Comentar xenericamente o proceso de abdicacións de Baiona. -Sinalar os principais efectos da ocupación napoleónica no goberno do país. Uso dos documentos: os documentos cítanse na redacción. Redacción: texto formalmente correcto.
Notable	Contidos (ademais do esixido para o aprobado, afondar no comentario dalgunha destas cuestións) -Indicar algúns dos principais problemas económicos, políticos e sociais do reinado de Carlos IV.

	-Referir algunhas das consecuencias da Revolución Francesa en España (medidas adoptadas para frear a penetración de ideas revolucionarias e/ou cambios na política internacional española) -Explicar o tratado de Fontainebleau e as súas consecuencias militares e políticas. -Clarificar as sucesivas abdicacións de Fernando VII e Carlos IV en favor de Napoleón e as consecuencias do seu exilio en Baiona (cesión do trono a Xosé Bonaparte, privilexios e compensacións a Carlos IV e Fernando VII) -Explicar o xurdimento das Xuntas de goberno e o levantamento contra os franceses. -Referir algún dos obxectivos do goberno de Xosé I. Uso dos documentos (ademais do esixido para o aprobado, na composición úsanse os documentos para algunha das seguintes cuestións) -Resáltase a relación existente entre o motín de Aranjuez e as abdicacións de Baiona (doc. 1) -Faise fincapé no papel das Xuntas como impulsoras da loita contra os invasores (doc. 2) -Relaciónase de maneira explícita o nomeamento de Xosé I como rei coa necesidade de garantir o goberno de España (doc. 3). Redacción: correcta e texto coherente.
Sobrelente	Contidos: -Explicar algunha das medidas adoptadas no reinado de Carlos IV en materia económica (incremento de impostos, desamortización de Godoy...). -Incidir na acumulación de poder de Godoy e nas oposicións que suscitou (Partido Fernandino, Proceso do Escorial...). -Explicar as medidas políticas tomadas por Carlos IV como consecuencia do estourido da Revolución Francesa (peche de fronteiras para evitar a difusión das ideas revolucionarias, ruptura dos Pactos de Familia, suspensión das medidas, guerra contra Francia e Paz de Basilea....) -Clarificar a natureza do Estatuto de Baiona (carta outorgada) e afondar nas súas características. -Explicar o posicionamento da sociedade española fronte á invasión francesa: afrancesados e patriotas (diferenciando entre absolutistas, liberais e ilustrados) e os grupos que constituían cada unha destas divisións, así como as súas reivindicacións. -Referirse a algunha das características da guerra (recurso ás guerrillas, formación de Xuntas, elevado custo económico, apoio británico...) Uso dos documentos (ademais do esixido para o notable, na redacción da composición o contido dos documentos emprégase nalgúns destes sentidos) -Utilízase o contido do doc.1 para subliñar as razóns que levaron a Carlos IV a solicitar a axuda de Napoleón. -Incídese nos argumentos empregados polas Xuntas para xustificar a súa postura: o engano de Napoleón fronte á xustiza da súa causa (doc.2) -Saliéntase a utilización que se fai das institucións creadas ou controladas polo goberno francés –Xunta de Estado, Consello de Castela- para lexitimar o nomeamento de Xosé I como rei (doc.3) Redacción: correcta e precisa, facendo uso do vocabulario específico. O texto está ben articulado e argumenta

